



XALQ DEPUTATLARI SURXONDARYO VILOYATI ANGOR TUMAN KENGASHINING QARORI

190200, Angor q, Al-Hakim at-Termiziy ko'chasi 58-uy, tel.: 0(376) 31-22-012, faks: 0(376) 31-22-012

2022 йил «26» июль

VI-51-140-8-109-K/22

Ангор туман ҳокимлиги

Tuman byudjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi namunaviy nizomga o'zgartirish va qo'shimchalar kiritish haqida

Mahalliy byudjet mablag'larining jamoatchilik fikri asosida shakllantirilgan tadbirlarni moliyalashtirishga yo'naltirilishi ustidan parlament nazoratini yanada kuchaytirish, tashabbusli byudjet jarayonining ochiq va oshkoraligini ta'minlash maqsadida Xalq deputatlari Angor tuman Kengashi

QAROR QILADI:

1. O'zbekiston Respublikasi Oliy Majlisi Senati Kengashining 2022 yil 30 iyundagi "Tuman(shahar) byudjetlari mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi namunaviy nizomga o'zgartirish va qo'shimchalar kiritish haqida" KQ-377-IV-sonli qarori ma'lumot va ijro uchun qabul qilinsin.

2. Xalq deputatlar tuman Kengashining 2021 yil 7-iyundagi «Angor tuman mahalliy byudjet mablag'lari sarflanishda jamoatchilik ishtirokini ta'minlash to'g'risida»gi 179/VI-31-sonli qarori bilan tasdiqlangan Nizomga ilovaga muvofiq o'zgartirish va qo'shimchalar kiritilsin.

3. Tuman hokimligi Axborot xizmati va "Angor yog'dusi" gazetasi bosh muharriri (G.Jumayeva)ga Xalq deputatlari tuman Kengashining 2021 yil 7-iyundagi «Angor tuman mahalliy byudjet mablag'lari sarflanishda jamoatchilik ishtirokini ta'minlash to'g'risida»gi 179/VI-31-sonli qarori bilan tasdiqlangan Nizomga kiritilayotgan o'zgartirish va qo'shimchalar to'g'risidagi ma'lumotlarni keng jamoatchilikga muntazam ravishda etkazib berish tavsiya etilsin.

4. Mazkur qarorning ijrosini nazorat qilish tuman Kengashining Mahalliy byudjet, iqtisodiy islohotlarni amalga oshirish, turizm, investitsiyalar va

tadbirkorlikni rivojlantirish masalalari bo'yicha doimiy komissiyasi (R.Kabulova) zimmasiga yuklatilsin.

Hokim



SH.B.ABDULLAYEV

Xalq deputatlari Angor tuman
Kengashining
2022 yil 26 iyuldagi
VI-51-140-8-109-K/22-son qaroriga
1-ilova

Tuman byudjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi nizomga kiritilayotgan o'zgartirish va qo'shimchalar

Xalq deputatlari tuman Kengashining 2021 yil 7-iyundagi «Angor tuman mahalliy byudjet mablag'lari sarflanishda jamoatchilik ishtirokini ta'minlash to'g'risida»gi 179/VI-31-sonli qarori bilan tasdiqlangan Nizomga quyidagi o'zgartirish va va qo'shimchalar kiritilsin:

1. 9-band quyidagi tahrirda bayon etilsin:

“Jamg'arma mablag'lari faqatgina jamoatchilik fikri asosida shakllantirilgan tadbirlarni hamda ushbu tadbirlarni amalga oshirish bilan bog'liq hujjatlarni rasmiylashtirish (loyiha-smeta hujjatlarini ishlab chiqish, ekspertiza xulosalarini olish va boshqalar) bilan bog'liq xarajatlarni moliyalashtirishga yo'naltiriladi. Mazkur mablag'larni boshqa maqsadlarga yo'naltirish taqiqlanadi.”;

2. 15-band quyidagi tahrirda bayon etilsin:

“Takliflar fuqorolar tomonidan respublikaning istalgan hududi bo'yicha har bir jarayonda faqat bir marotaba berilishi mumkin. Bunda taklif mazmunan yagona ijtimoiy muammoni o'zida aks ettirishi lozim”;

3. 17-band quyidagi beshinchi xatboshi bilan to'ldirilsin:

“budjet tashkilotini saqlab turish bilan bog'liq xarajatlarni o'zida aks ettirmasligi (kommunal, aloqa va internet tizimi uchun to'lovlar, shuningdek, kanstovar va boshqa tez eskiruvchi moddiy qiymatliklar);”

4. 19-band quyidagi tahrirda bayon etilsin:

“Tanlab olingan tadbirlarni amalga oshirish uchun talab etiladigan mablag'ning dastlabki miqdori tegishligiga ko'ra tarmoq korxonalarini xulosasi asosida loyiha-smeta hujjatlari bo'yicha aniqlashtiriladi. Tadbir g'olib deb topilgandan so'ng loyihani amalga oshirish bo'yicha loyiha-smeta hujjatlari ishlab chiqiladi hamda tadbirning yakuniy qiymatiga aniqlik kiritiladi.

Agar tadbirning dastlabki qiymatiga nisbatan loyiha-smeta hujjatlariga ko'ra yakuniy qiymati ko'proqni tashkil etsa, mazkur holatlarda loyihani amalga oshirish uchun talab etiladigan qo'shimcha mablag' tuman hokimligi huzurida tashkil qilingan “Fuqarolar tashabbusi jamg'armasi”dagi mavjud yoki kelgusida kelib tushadigan mablag'lar hisobidan qoplab beriladi. G'olib deb topilgan loyihaning dastlabki qiymatidan kelib chiqib, tadbir doirasida amalga oshiriladigan ishlar (tovar va xizmatlar) hajmini kamaytirishga yo'l qo'yilmaydi.”;

5. 22-band quyidagi ikkinchi xatboshi bilan to'ldirilsin:

“Bunda takliflar g'olib deb topilishi uchun 10 tadan kam bo'lmagan ovoz soniga ega bo'lishi lozim.”

6. Quydagi tahrirdagi 22¹-band bilan to'ldirilsin:

“22¹. G‘olib deb topilgan loyihalarni amalga oshirishda yuzaga kelgan texnik muammolar sababli yoki ushbu loyihani amalga oshirish bo‘yicha boshqa manbalar hisobidan mablag‘lar ajratilishi holati kuzatilganda mazkur g‘olib deb topilgan loyixalar “Fuqarolar tashabbusi jamg‘armasi” hisobidan moliyalashtirilmaydi va ushbu loyihalar uchun ajratilishi ko‘zda tutilgan mablag‘lar “Fuqarolar tashabbusi jamg‘armasi”ga qayta tiklanadi. Ushbu mablag‘lar doirasida boshqa g‘olib loyihalarni aniqlashga yo‘l ko‘yilmaydi.”;

7. 23-band ko‘ydagi ikkinchi xatboshi bilan to'ldirilsin:

“G‘oliblar aniqlangandan so‘ng “Fuqarolar tashabbusi jamg‘armasi”da shakllangan qoldiq mablag‘lar g‘olib deb topilgan loyixalarning yakuniy qiymatiga aniqlik kiritilishi munosabati bilan ko‘shimcha talab etiladigan farqni qoplashga yoki kelgusida o‘tkaziladigan “Tashabbusli budjet” jarayonlariga yo‘naltiriladi.”;

8. Quydagi tahrirdagi 23¹-band bilan to'ldirilsin:

“23¹. G‘olib deb topilgan loyihalar mualliflari tomonidan tadbirlarni amalga oshirishning barcha bosqishlarni kuzatish hamda bajarilgan ishlarni real-vaqt ko‘rinishida baholab borish imkoniyatiga ega bo‘ladi. Bunda jamoatchilik nazorati doirasida fuqarolar tadbirlarni kuzatib borish orqali qonun buzilishi holatlari yoki kamchiliklar kuzatilganda shikoyat tarzda vakolatli organlarga murojaat qilishlari mumkin. Fuqarolar tomonidan loyihani amalga oshirishda boshqa ko‘rinishdagi aralashuvlarga (pudratchi korxonani aniqlash yoki ishlarni ularni o‘zlari tomonidan amalga oshirilishi, loyiha-smeta xujjatlarini ishlab chiqish va shu kabilar) yo‘l qo‘yilmaydi.”;

9. 1-ilovaning 4-bosqichi quydagi tahrirda bayon etilsin:

